

Postupak registracije obrta u Općini Centar



Koraci u postupku registrovanja obrta



Prvi korak

- Za početak postupka registracije obrta potreban je pismeni zahtjev općinskom organu nadležnom za obrte i plaćanjem takse za osnivanje obrta. Svi neophodni formulari mogu se dobiti u općinskom organu.

Potrebni dokumenti za registraciju obrta

Uvjerenje o državljanstvu ili ovjerena kopija lične karte

Uvjerenje o poslovnoj sposobnosti

Ljekarsko uvjerenje

Uvjerenje o izmirenim poreznim obavezama i drugim finansijskim obavezama

Uvjerenje Nadležnog suda (Opštinskog i Suda za prekršaje) da nije izrečena pravomoćna sudska presuda koja se odnosi na zabranu obavljanja obrta

Šta dalje?



- Nakon dobivanja odobrenja/ Rješenja, (poželjno je da ga kopirate u nekoliko primjeraka) pristupate izradi pečata. Jako je bitno da podaci na pečatu budu identični podacima na Rješenju. Cijena izrade pečata je oko 50 KM, i obično traje 1-2 dana.
- Nakon dobivanja Rješenja, potrebno je u nadležnoj **Službi Federalnog zavoda za statistiku** (zbog razvrstavanja djelatnosti) za što su potrebni slijedeći dokumenti: kopija Rješenja, popunjen PFL-3 Obrazac, i pečat. Nakon toga obrtnik dobiva Obavijest o razvrstavanju djelatnosti.

Uvjerenje o poreznoj registraciji je sljedeći korak. Za dobivanje uvjerenja o poreznoj

registraciji i ID broja, potrebno je priložiti:

- Lični ID dokument (LK ili pasoš)
- Kopija Rješenja (o odobrenju)
- Popunjen Obrazac **RPO-PFL-3**
- Obavijest o razvrstavanju djelatnosti
- Ovjereni punomoć (u slučaju da drugo lice podnosi zahtjev u ime obrtnika)


Zatim...



- Slijedi otvaranje računa u banci, za što svaka banka ima vlastitu proceduru i prijava vlasnika i zaposlenika u Jedinstveni sistem registracije, naplate i kontrole doprinosa u Poreznoj Upravi FBiH.
- Prijava se vrši prema sjedištu obrta, za koju je potrebno priložiti Ugovor o radu kao i ispunjen obrazac **JS 3100**.

Odbici

1. U cilju ostvarenja prava na lične odbitke za vlasnika i zaposlenike obrta, neophodno je da predaju (individualno) Zahtjev za izdavanje porezne kartice (obrazac **PK-1001** nadležnoj ispostavi PU FBiH, prema svom prebivalištu, i dokumentaciju u skladu sa Uputstvom FMF; (<http://www.fmf.gov.ba/info/2008/11122008.htm>)
2. Također, vlasnik obrta ostvaruje pravo na umanjenje poreza na dohodak, po osnovi ličnog odbitka nakon isteka godine, a zaposlenik odmah od početka rada, pod uslovom da su Porezne Uprave dobiju poreznu karticu.



Fiskalizacija

- Naredni korak podrazumijeva aktivnosti uređene Zakonom o fiskalnim sistemima:
- Nabavljanje fiskalnog uređaja i zaključivanje ugovora o njegovom servisiranju i tehničkoj podršci sa ovlaštenim servisom,
- Ispuniti i ovjeriti Zahtjev za inicijalnu fiskalizaciju, predati ga ovlaštenom servisu koji ga prosljeđuje (u ime obrtnika) Poreznoj upravi,
- Također, putem ovlaštenog servisa podnijeti zahtjev i potpisati ugovor o korištenju GPRS usluga sa nekim od telekomunikacijskih operatera ili drugih subjekata koji osiguravaju GPRS mrežu.
- Cijena fiskalizacije je približno 700 KM
- Proces fiskalizacije može potrajati par mjeseci, ali obrtnik može obavljati djelatnost u međuvremenu.

Posljednji korak: registracija u PDV sistem

- Ako obrtnik predviđa godišnji promet veći od 50.000 KM – ima obavezu da se prijavi u sistem PDV-a. Međutim, u slučaju da planira godišnji promet manji od 50.000 KM – nema tu obavezu, ali može dobrovoljno izvršiti prijavu u sistem PDV-a.
- Taksa za prijavu u sistem PDV-a iznosi 15 KM + troškovi kopiranja i ovjere dokumenata koji se prilažu uz obrazac Prijave.

Napomene

- Ako nadležni službenik Porezne uprave u toku registracije zatraži kopije ugovora o zakupu ili neki drugi dokument, dužni ste ga dostaviti, iako nije sadržan u propisanoj dokumentaciji.
- U slučaju da je dostavljena dokumentacija kompletna, istinita, i u skladu sa podacima sa kojima raspolaže Porezna uprava, vaš zahtjev će biti obrađen i odmah će biti izdato Uvjerenje o poreznoj registraciji u kojem je sadržan ID odnosno JIB.
- Ukoliko nema nepravilnosti, prijem, obrada zahtjeva i izdavanje uvjerenja o poreznoj registraciji radi se na dnevnoj bazi, kako bi se za stranke izbjegli dodatni troškovi.